

民國文獻資料叢編

近代
人物年譜
輯刊

國家圖書館出版社 整理

國家圖書館出版社

圖

18

國家圖書館出版社 整理

近代人物年譜輯刊

第十八冊

國家圖書館出版社

第十八冊目錄

陳英士先生年譜初稿一卷	何仲簫編	一
今傳是樓主人年譜一卷	李元暉編	一五
松石齋日記摘錄	吳恩培編	二五
李氏復仇實錄	李贊皋編	八三
蔡渭生自編年譜一卷	蔡煥文編	一七三
	蔡鎮瀛等續編	
崇翰池年記一卷	崇雯編	二二七

陳英士先生紀念全集卷一

傳述

年譜初稿

何仲簫謹擬

陳英士先生殉國已十有四年。而其年譜至今尙無見聞。仲簫願宏力薄。勉成初稿。並請陳謫士陳布雷楊譜笙陳果夫諸先生審閱修改。但自認不滿意之處仍多。正式編述。當有待於黨國先進。惟讀者諒之。

編者識

公諱其美。字英士。浙江吳興縣人。先世由陳州輾轉遷居陽武潁川等處。至邦德公諱縝。爲胡公滿七十八世孫。始遷歸安東林山。距郡城東南五十里。爲東林支始祖。十七世敬山公諱應恪。遷居郡城。公爲東林支二十六世孫也。

曾祖蕙庭公。諱泰。吳興名儒。著有靜愛廬詩文集。采入湖州詩錄。本生曾祖松庭公。諱豐。事行詳載郡志孝義傳。

祖錦峯公。諱綬。本生祖廣枚公。諱絢。俱未仕。廣枚公篤實好義。經營鄉里。公益事業。卓著成績。有司先後旌贈『聖門狷者之流』及『矜式鄉閭』匾額。

父眷倉公。諱延佑。在里經商。以勤儉謙冲著聞邑族。母吳氏。射村吳文濬公之次女。家學淵源。秉性溫淑。三郇稱之。公兄弟三人。伯其業。字勤士。季其采。字藹士。公其仲也。

民元前三十五年（清光緒三年丁丑）公一歲。

公以是年十二月十五日卯時誕生於湖州府學前。初生體氣孱弱。公母吳太夫人。以產後多疾。雇媼乳之。

民元前三十四年（清光緒四年戊寅）公二歲。

民元前三十三年（清光緒五年己卯）公三歲。
民元前三十二年（清光緒六年庚辰）公四歲。
受母教識字。穎悟過人。

民元前三十一年（清光緒七年辛巳）公五歲。

民元前三十年（清光緒八年壬午）公六歲。

民元前二十九年（清光緒九年癸未）公七歲。

入家塾。從同邑名儒忻穀生先生受經傳。

民元前二十八年（清光緒十年甲申）公八歲。

二月。吳太夫人逝世。冬。與羣兒戲於野。一兒爲野火所困。幾焚其身。公奮勇撲救。始免於難。義勇智略。已見一斑。

民元前二十七年（清光緒十一年乙酉）公九歲。

民元前二十六年（清光緒十二年丙戌）公十歲。

繼母楊太夫人來歸。撫公一如己出。公事之亦克盡孝道。

民元前二十五年（清光緒十三年丁亥）公十一歲。

民元前二十四年（清光緒十四年戊子）公十二歲。

民元前二十三年（清光緒十五年己丑）公十三歲。

民元前二十二年（清光緒十六年庚寅）公十四歲。

民元前二十一年（清光緒十七年辛卯）公十五歲。

正月。公父眷倉公逝世。是年隨杭州吳小舫先生就石門善長典習商業。勤慎職守。爲同人所器重。

民元前二十年（清光緒十八年壬辰）公十六歲。

公於典務之暇。好遊覽。當地公共機關。留意其措施。退與諸友詳究得失利害。

對風俗人情尤注意考察。視迷信爲一切事業進展之障礙。創主破除。人有非笑之者。公輒與辯。恆徹夜不倦。

民元前十九年（清光緒十九年癸巳）公十七歲。

公日閱滙報。洞悉世界大事。與中國國情。深自奮勉。博置羣書。日夜攻讀。學識大進。

民元前十八年（清光緒二十年甲午）公十八歲。

民元前十七年（清光緒二十一年乙未）公十九歲。

中日戰爭。中國失敗。割地求和。公憤慨殊甚。馳書親友。痛言清廷失政。須人民自圖振作。二十年後方能重振國威。洗雪國恥。並馳書其弟藹士。勸習西學。以求實用。藹士與兄勤士均遵其言。

民元前十六年（清光緒二十二年丙申）公二十歲。

民元前十五年（清光緒二十三年丁酉）公二十一歲。

時德人強佔膠州。俄覬覦旅大亦急。公知武備之不可緩。力勸弟諒士赴日學習陸軍。

民元前十四年（清光緒二十四年戊戌）公二十二歲。

民元前十三年（清光緒二十五年己亥）公二十三歲。

民元前十二年（清光緒二十六年庚子）公二十四歲。

義和團事起。京津相繼爲外兵所陷。全國震動。公致書其兄勤士。憤言清廷昏瞶。忘信妖惑。並贊許當時兩江總督劉坤一能見其大。

民元前十一年（清光緒二十七年辛丑）公二十五歲。

公元配姚夫人來歸。

民元前十年（清光緒二十八年壬寅）公二十六歲。

公弟謫士歸自東瀛。爲公詳述日本致強之原。在變法維新振興實業。公大感動。以內地見聞囿隘。決易地改業。以擴新知。

民元前九年（清光緒二十九年癸卯）公二十七歲。

春辭去典事。就上海同康泰絲機佐理會計。暇時研究我國與海外貿易狀況。瞭然於出口商情。力謀改革。

民元前八年（清光緒三十年甲辰）公二十八歲。

入理科傳習所研究科學。與學界志士多所往還。聞見益廣。識見益宏。革命情緒。自此深植其基。

民元前七年（清光緒三十一年乙巳）公二十九歲。

秋赴長沙視察謫士治軍。並商決留學東瀛之計畫。時美國苛待華僑。海上志士倡抵制美貨運動。公在湘竭力鼓吹。以爲響應。並聯絡三湘革命同志。爲推

翻滿清之準備

民元前六年（清光緒三十二年丙午）公三十歲。

夏東渡日本入警監學校。識徐錫麟秋瑾諸志士。是年冬加入同盟會。聯絡同校志士組織軍事體育會。熱心倡率。從者甚多。

民元前五年（清光緒三十三年丁未）公三十一歲。

改入東斌學校習軍事學。是年徐錫麟在皖。秋瑾在浙。均以舉義遇害。

民元前四年（清光緒三十四年戊申）公三十二歲。

春。公返國。間行浙滬京津間。從事革命運動。時日本侮我益甚。鴨綠江伐木問題。間島問題。二辰丸等案。層出不已。國內反日呼聲益高。公奔走號應。靡役不與。並赴漢皋籌設大陸新聞。爲造成革命輿論機關。旋以資竭而中輟。

民元前三年（清宣統元年己酉）公三十三歲。

設計接辦上海天寶棧爲江浙革命機關。夏江督端方據其黨探劉師培之告密。派兵按捕。繫張恭以去。江浙事遂暫遭頓挫。公隻身走南京。運動獄卒優遇張氏。同志皆以親入虎穴爲公危。公毅然勿顧。卒能避清吏之耳目。冬在滬復本前志。創辦中國公報。

民元前二年（清宣統二年庚戌）公三十四歲。

與宋教仁譚人鳳楊譜笙等組織中部同盟會幹部。遍佈機關於各地。爲長江一帶革命勢力之策應。組織經營多所成就。與于右任宋教仁等辦民立報。與姚勇忱等辦民聲叢報。並設計驅除在上海租界中活動之滿探。使不敢加害於同志。會英人在滬有擴充租界之野心。公聯絡同志多方抵禦。英人卒勿敢逞。時公致力革命益勤。名益盛。滿探詞伺百端。務欲得公而甘心。公賃居租界馬霍路德福里。陽爲縱情聲色。以掩飾偵者耳目。外間僅知德福里爲游宴之

場而不知爲發縱革命決定大計之所在也。武士霍元甲在北方享盛名。公招之南下。在滬籌設精武學校。期以十年訓練數十萬軍事學識健全青年。爲大規模之革命運動。與改良軍事之準備。會霍以才長招忌。爲某國人所訐。計未實現。識者痛惜之。

民元前一年（清宣統二年辛亥）公三十五歲。

三月二十九日黃花崗之役失敗。公聞訊驚惋。以上海報界代表名義兼程入廣州。營救被厄同志。保全甚多。並在港爲趙伯先料理身後事務。死生靡間。同志多嘉慕之。秋武漢起義。公奔走甯杭鎮滬。計劃進行。布置略定。卽於舊曆九月十三日發難。躬率同志突攻上海江南製造局。倉卒未能下。公曰：『是非僅兵力所能濟也。』隻身入局。曉守軍以革命大義。勸令歸降。卒被執。已而同志等增調軍力會攻。破之。公始脫險。衆舉公爲滬軍都督。分兵略取江浙。收復南

京並電各省民軍議建臨時政府。奠定民國基礎。

民國元年（壬子）公三十六歲。

革命軍興。清廷進行和議。公以革命不能澈底。必貽後患。心竊非之。及政府北遷。袁世凱以公爲民黨健者。嫉之甚。特調京任工商總長。冀解其軍權。公以結束滬軍事遲未就職。世凱疑忌益深。密令羽黨力謗之。謂公擁兵自固。公憤極。遂於七月將滬軍移交蘇督。並辭去工商總長職。將漫遊海外。以寄其志。八月總理應世凱之請蒞北京。公亦繼至。察世凱舉動。知其必不利於革命。南歸後。力勸各同志陰爲戒備。世凱時以勳位勳章餌之。均不受。復輦贈鉅資。諷公出洋考察工商。亦拒絕。未果行。

民國二年（癸丑）公三十七歲。

三月宋教仁被刺。公在滬設計探獲兇犯武士英。應夔丞。及重要證據多件。袁

世凱之陰謀遂暴露於世。二次革命發動。公於七月間在滬就上海討袁軍總司令職。迭率所部攻製造局。皆受海軍牽掣。以致失敗。仍祕密留滬。袁黨及奸商某某等環請領事團加以逮捕。公據理抗議得免。遂於十一月間再渡日本。懲前毖後。知前此各同志不能完全服從。總理實爲革命失敗之最大原因。遂決心助總理組織中華革命黨。繼續革命。並致書黃克強先生。勸其合作。是年十一月公長子祖華生。

民國三年（甲寅）公三十八歲。

春與戴天仇赴大連。成立奉天革命黨機關部。經營東三省革命。燕遼志士聞風來歸者日衆。進行頗順利。會日本官廳受袁世凱運動。對革命工作突加壓迫。使無復有活動餘地。時公又患病頗劇。不得已復回東京。病滯醫院者三閱月。夏六月。請總理經營長江方面。命蔣中正圖滬。不成。陳喬蔭死之。命夏次

岩范鴻仙分圖浙滬。吳藻華圖蘇。亦以準備未熟。均告失敗。

民國四年（乙卯）公三十九歲。

二月。公自日歸滬。主持討袁軍事。並電總理。謂事如不成。決不再到日本亡命。夏。籌安會成立。袁世凱謀帝制益急。八月。應總理召赴東京。商討袁方略。自請赴西南主持。十月。赴香港。過滬。爲同志所挽留。仍留滬主東南事。同時輔助西南同志。分別進行。十一月。命王曉峯王明山刺死袁黨鄭汝成。十二月五日。公以淞滬司令長官名義。命令楊虎率同志襲取肇和兵艦。並以重砲攻製造局。揭討袁之幟。以後援不繼。失敗。同志死傷甚衆。公忍痛辦理善後。討逆之心益堅。是月。蔡鍔得公之同志雲南軍官董鴻勳鄧泰中等之援助。入滇主持護國軍。宣布討袁。

民國五年（丙辰）公四十歲。

四月十二日。公運動滬海陸軍發難。以海軍背約未成。派楊虎圖江陰砲臺。夏次岩圖浙。仍失敗。自此益遭袁世凱之忌。嗾使黨羽謀公益急。五月十八日午後五時。遂遇害於上海薩坡賽路十四號寓所。是年二月。公次子祖穌生。

陳英士先生革命小史

邵元冲

第一章 陳英士與民國的關係

辛亥革命。從武昌發難以後。雖然半月以內。湖南和長江沿岸的九江湖口等要塞。先後爲革命軍占領。聲勢已經漸大。但是因爲湖北革命軍和清軍相持於劉家廟大智門漢口一帶。互有勝負。因此各處仍抱觀望的態度。後來因馮國璋等統清軍南下。漢口復落清軍之手。各處更加震動。在這個時期之中。所以能轉危爲安。挽回當時的局勢。其最有力的。當然要推上海的光復。而主持上海光復事